



Universitätsbibliothek Paderborn

**D. Bernardi Primi Clarævallensis Abbatis, Ordinis
Cisterciensium Antesignani, melliflui Ecclesiæ Doctoris
Sermones In Dominicas & Festa per annum**

Bernardus <Claraevallensis>

XXVIII. De eo quod legitur apud Iob: In sex tribulationibus liberabit te.

urn:nbn:de:hbz:466:1-39254

tam nequissimo vitio ingratitudinis longe fieri studeamus: ut tota devo^tione in gratiarum actione versantes, conciliemus nobis gratiam Dei nostri, quæ sola potest salvare animas nostras. Nec verbo tantum vel lingua, sed opere & veritate exhibeamus nos gratos: quia gratiarum actionem magis, quam dilectionem à nobis exigit dator gratiarum Dominus Deus noster qui est benedictus in secula, Amen.

SERMO XXVIII.

De eo quod legitur in Job, *In sex tribulationibus liberalite, & in septima non tangere te malum. Job. 5.c.*

Dignum valde est & omnino exigit ratio æquitatis, ut quibus à constitutione mundi regnum paratur, ipsi etiam sese regno parare non negligant, ne parato regno inveniantur forsitan, qui regnaturi fuerant imparati. Sic enim legimus de cœna quadam ^a, dicente Domino: *Quoniam quidem cœna parata est, sed qui vocati erant non fuerunt digni. Quærimus ergo quemadmodum regno parato parari debeant reges futuri.* Et si piè querimus, cum Propheta utique dicere non audemus ^b: *Domine quis habitabit in tabernaculo tuo, aut quis requiescat in monte sancto tuo? Qui ingreditur, inquit, sine macula.* Sed hæc, inquieres, præparatio soli Christo convenire videtur. Nemo enim cæterorum omnium mundus à forde, nec infans eius est vita uniuersi diei super terram ^c. Itaque solus intrabit, qui solus agnus est sine macula, solus argui non potuit de peccato, quod non ab eo factum est, nec in eo inventum. Solus planè summus pontifex meus nec in patre nec in matre contaminatus est, ut lex dicit ^d: *patrem quippe sed Deum, matrem quoque sed Virginem habens: unde & solis ingreditur sancta sanctorum,* & nemo ascendit in cœlum, nisi qui descendit de cœlo filius hominis qui est n cœlo ^e.

^a Matt. 22. a

^b Psal. 14. a
Cœlum solis patet immaculatis.

^c Job. 15. b
At nemo hominum sine macula, nisi solus Christus.

^d Levit. 21. a

^e Ioan. 3. b
Attamen Christus, ut caput instrumentum, nō intrabit sine membris, sed conformibus.

Infantes, quomodo conformatur Christo.

^f Heb. 10. c

Quid ergo nos? Itane continuo desperabimus? Immò verò sperabimus, & hinc maximè. Licet enim solus sed profecto totus intrabit, & os non comminuetur ex eo, non sine membris caput inventitur in regno, si tamen membra fuerint conformia sibi, & cohærentia capiti suo. Conformatio fanè moribus, cohærentia fide. Habet enim conformatiōnem quantum potest, habet & cohærentiam ipsa etiam minor ætas, dum & similitudini mortis ejus mersione illa triplici complantatur, & fidem in involucro quodam recipit, quod neccum capax sit evolutæ. Benignus est nimurum Spiritus sapientiae, & quem traducta culpa ligaverat, indulta justitia solvit. Sed non ita deinceps liberabit maledictum à labiis suis. *Voluntarie enim peccanti post agitam gratiam non relinquitur hostia pro peccato* ^f. Sed neque sic liberabit à suis, quomodo ab alienis labiis maledictum. Maledictio, Fratres, gravis est macula, & scimus quoniam non quod intrat in os coinqui-

coinquiat hominem, sed quod de ore egreditur *g*. Inde ergo macula, *g Matt 15. b* inde maledictio a labiis suis, ied non semper à propriis. Neque enim de corpore vel corde proprio originalis in parvulum culpa procedit, cui non modus consensus, sed ne ullus quidem interim potest sensus esse peccati. Quomodo tamen maledictum à labiis suis non liberat spiritus, aut voluntarie peccantibus non relinquitur hostia, nisi quia non illi denuo crucifiguntur Christus, nec complantatur iterum similitudini mortis ejus per baptismum? Propria jam eo lachrymarum unda exigitur, propriam bajulare crucem, propria mortificare membra, & propriam immolare hostiam necessaria est. Sine causa aliter dicere, credo propriis labiis expietur oportet proprietum maledictio labiorum: per multas enim tribulationes in regnum Dei intrare necesse est *h*; & nemo nisi per tribulationes ingreditur, aut prias, aut alienas. *h Act. 14. d*

Adulti non nisi propria pœnitentia expiantur.

Sola nimirum secundi Adæ tribulatio purgat, quos contaminavit offendio sola prioris, non quod propria cuiquam sufficere possit satisfactio. Quid enim est universa pœnitentia nostra, nisi quod si non compatimur, omnino non possumus conregnare? Quod enim in nobis minus est, ipse supplet: modicum tamen illud quocunque nostrum est, non patitur reservari. Quod si fidei cohærentia sine morum conformitate nequaquam salvat adulteros, longè minus salvare poterunt opera sine fide. Facilius enim membrum inherens capiti si deforme est reformatur, quam divulsum quilibet simile copuletur. Et ipsum tamen quod deforme est, aut conforme fieri imagini filii sui & capitatis sui, aut certè tandem avelli ab eo, necesse est anathema esse à Christo, ne in illa plenitudine corporis ejus inveniatur quipiam indecorum.

Fides sine operibus non salvat.

Ubi ergo macula propria, propria quoque purgatio jure requiritur: & si contaminatio multiplex, opus est etiam tribulazione multiplici. Unde enim tribulatio, nisi dum resistitur contaminationi, concupiscentiae repugnatur? Quid verò in homine purum ab hac macula, immune ab hoc contagio poterit inveniri? Ab intus manat, de corde exit pestiferum virus, ac deinceps corpus occupat universum, mentem desideriis afficit, membra illecebris inficit. Inde pruritus aurium, oculorum petulantia, inde olfacioni voluptas, inde in faucibus tam inordinata delectatio, inde in universo corpore mollitiei sensus, & libido perniciosa tangendi, inde intus in anima ebrietas illa desideriorum, & fornax quedam ambitionis, avaritiae, invidiæ, contumaciæ, nequitiae, & omnium denique vitiorum affectibus vehementer accensa. Quot enim corpus illecebras, quot oblectamenta mundus habere videtur, tot patitur tribulationes, tot sustinet tentationes viri iustus. Et quemadmodum ambulans quis in carne, sensuum voluptate delectatur delicias computat esse sub sentibus: sic & omnis qui in spiritu seminare de-

Concupiscentia omnium vitiorum & malorum saturigo.

M m m m z siderat,

Differentia.
carnalium &
spiritualium.

siderat, spinas & tribulos quos propria terra ex maledicto utique germinat, potius eradicare quam propagare contendit, quippe qui convertitur in armina sua, quotiens configitur spina.

Huic ergo tam multifariæ pesti, per singula quæque resistere, quam multiplex tribulatio? A planta pedis usque ad verticem non est sanitas in me, totum infecit concupiscentia, lex peccati in membris omnibus invenitur, undique per fenestras mors intrare contendit, & intus fomes totius nequitiae periculosius sævit, crudelius malignatur. Minime tamen in hac tam multiplici lucta deficiendum, aut desperatione cedendum est. Licet enim abundant tribulationes pro Christo, sed abundant & consolationes per ipsum. Denique audi consolationem: Peccatum in foribus est, nisi ipse aperias, non intrabit. Appetitus in corde prurit, sed sub te est, nisi sponte cesseris, nil nocebit. Audi consolationem. Consensum cohibe, ne prævaleant hæc, & immaculatus eris, ut sine macula ingrediaris & ipse ad habitandum in tabernaculo, & requiescendum in monte sancto Domini Dei tui. Si tui non fuerint dominati, tunc immaculatus eris, & emundaberis à delicto maximo. Maximum planè delictum, quod interiorem & exteriorem hominem occupat universum. Audi adhuc consolationem: In sex, inquit ^k, tribulationibus liberaberis, & in septima non tanget te malum. Si puer Hebreus es sex annis serviens, liber egredieris in septimo. Sex tibi tribulationes sunt contra desideria cordis, & quinque pertitam sensualitatis corporeæ voluptatem: sed in his sex liberaberis à septima, non quidem ne veniat, sed ne lœdat, ne noceat, ne tangat te malum. Veniet quidem mors: ipsa enim est septima tribulatio: sed somnus erit dilectis Domini, & ecce hereditas ejus. Erit janua vitae, erit initium refrigerii, erit sancti illius montis scala, & ingressus in locum tabernaculi admirabilis, quod fixit Deus & non homo. In septima itaque non tanget te malum. Malum utique triplex, quod eos manet in septima, qui in sex tribulationibus dissimulant perfectè interim liberari, nec in sex hydriis purificantur ad liquidum, ut exhibeantur in nuptiis sponsi non habentes maculam neque rugam. Manet enim eos horror in exitu, dolor in transitu, pudor in conspectu gloriae magni Dei.

Unde nobis ista dissimulatio est, Fratres mei? Unde hæc tam perniciosa tepiditas, unde hæc securitas maledicta? Quid seducimus miteri nosmetiplos? Forsan jam divites facti sumus, forsan jam regnamus. Nonne ostium domus nostræ horribiles spiritus illi obsident. Nonne exitum nostrum larvales illæ facies præstolantur? Quis ille pavor erit, o anima mea, cum dimissis omnibus quorum tibi est tam jucunda præfentia, tam gratus aspectus, cohabitatio ipsa tam familiaris, sola ingrediens incognitam penitus regionem, occurasantia tibi catervatim rure tetrica illa monstravidebis? Quis tibi in die tantæ necessitatis occurret? Quis rucbitur à rugientibus

*Nemo peccat nisi
se volens.
i Gen. 4. a.*

k Iob. 5. 2

*Mors piis non
damnum adserit,
sed lucrum.*

*Ad exercitiodm
seporem, & ex-
igitandum fer-
rorem nuristi-
morum, seu
Horror moris.*

præpa-

præparatis ad escam? quis consolabitur? quis ducet? Filioli mei, memoremur hæc novissimæ nostra, ne peccemus. Nam & per ignem nobis trans eundum est, & uniuscujusque opus quale sit, ignis probabit. Ibi enim aurum nostrum vertetur in scoriam, ibi revelabitur universa impuritas, ibi veritas ipsa accepto tempore quod nobis interim datum contemnimus, iusticias judicabit. Quid verò illic omnes iustitiae nostræ, nisi pannus menstruatus reputabuntur? Quicquid nunc parvipendendo transiit, palpando tegimus, dissimulando negligimus, quanto illic cruciatu vindex flamma consumet? Utinam magis nunc daret quis capiti meo aquas, & oculis meis fontem lachrymarum! fortè enim non reperiret ignis exurens, quod interim fluens lachryma diluisset.

Iam verò post ignem illum putas residuum aliquid invenietur in nobis? Aut tantum erit ut audeamus illud vultui majestatis offerre; aut eius sic astare conspectui? Quis ille pudor erit, quæve confusio, post tanta beneficia, tam tepidos, tam imperfectos, tam vacuos apparere ante faciem Dei nostri? Fugiebat Adam ut absconderetur ab eo, post unius utique pomis vetiti gustum, quid nos post tanta flagitia, post tanta facinora præsumemus? Quando ab hac confusione purgabitur occultis cordis; cui nunc operam dare negligimus, ut irreverberata acie veri illius solis radios valeat imueri? Sicut fuit cera à facie ignis, sic peribunt peccatores à facie Dei^m: Ingrediatur utique putredo in ossibus meis, & subter me scateat, ut requiescam in die tribulationis hujus sepius, & in ea non tangat me malum. Malum hoc triplex, horroris, doloris, & pudoris. Felix siquidem anima, quæ fiducialiter inimicis suis loquetur in porta: Quid hic astas cruenta bestia? Nihil in me funeste repieres*. Felicior, cuius opus non arserit, quem superædificasse autum, argentum, lapides preciosos, examen illud inveniet. Felicissimus, qui sine ulla nube confusione revelata penitus facie, gloriam Domini speculando, in eandem imaginem transformabitur, & similis erit illi, videns eum sicuti est, utique super omnia Deus benedictus & laudabilis, & gloriatus in secula seculorum, Amen.

S E R M O XXIX.

De triplici Dilectione Dei.*

Nolite diligere mundum, neque ea quæ in mundo sunt. Omnia enim qua in mundo sunt, concupiscentia carnis, & concupiscentia oculorum & ambitionis, quæ non sunt ex Patre^a. Quid ergo? Sunt aliqua ex Patre, quibus nobis ista recompensentur. Sunt utique omnino dulciora his & amabiliora, sed hæc non creduntur servis, multo minus inimicis. Quinquis vero amicus voluerit esse hujus mundi, inimicus Dei constituetur. Amicis creditor consilium, quibus dicitur^b: *Quia omnia quæcumque audiri à Patre*.

*Cruciatus ignis purgatorii.**Pudor iudicis.**1 Gen. 3. b**m Psal. 67. 2*

* Ita S. Martinus jam mortuus teste Sulpitio.

* alias, De diligendo Deo

*a 1. Ioan. 2.**b 1. Ioan. 15. b**M m m m 3*